

里人朱士楷仿枚纂輯

甥沈錫爵夢松校刊

人物 宦績

漢

嚴助嚴夫子子或言族家子也建元元年以賢良對策擢為中大夫是時朝廷多事上令助等與大臣辨論中外相應以義理之文大臣數絀其尤親幸者東方朔枚舉嚴助吾邱壽王司馬相如而助最先進三年閩越圍東甌東甌告急上問田蚡對曰越人相攻擊固其常又數反覆不足煩中國往救也助曰小國以窮困來告天子不救尚安所愬又何以子萬國乎上曰太尉不足與計吾新即位不欲出虎符發兵郡國乃遣助以節發兵會稽守欲距法不為發助斬一司馬諭意指遂發兵浮海救東甌未至閩越走兵還六年閩越復擊南越南越守天子約不敢擅興兵上書以閩上多其義遣兩將軍將兵誅閩越閩越王弟餘善殺王以降漢兵罷迺令助諭意風指於南越南

新滕鎮志

卷十一 宦績

一

越即遣太子隨助入侍助還又諭淮南與淮南王相結而還上大悅助侍燕從容上問助居鄉里時對家貧為友婿富人所辱上問所欲對願為會稽太守於是拜為會稽太守數年不聞問賜書責之助恐上書願奉上年計最詔許因留侍中有奇異輒使為文及作賦頌數十篇後淮南王反事與助相連上薄其罪欲勿誅廷尉張湯爭以為不可竟棄市

漢書本傳  
參通鑑

唐

徐岱字處仁蘇州嘉興人世業農岱好學問無不通難莫能詘大歷中轉運使劉晏薦為校書郎浙西觀察使李栖筠厚遇之敕故所居為復禮鄉改河南偃師尉禮儀使蔣鎮薦為太常博士從德宗幸奉天改膳部員外郎兼博士遷水部郎中充皇太子及舒王侍讀尋改司封郎中擢給事中兼史館修撰並仍侍讀德宗以誕日詔佛老者大論麟德殿并召岱及趙需許孟容韋集牟講說三家始三家若矛盾然卒而同歸於善德宗大悅賚予有差兩宮恩遇無比未嘗洩禁中語亦不談人之短長婚嫁甥姪之遺孤者人以此稱之卒年五十贈禮部尚書

新舊唐  
書本傳

明

項序字克循雲泉里人績學砥行隨父入金陵府學生與校大典書成錄入太學歷官均陝沂三州守所至有聲五世孫良枋字初輿萬厯戊子舉人知上高縣工詩文有幽湖居士集永和集敖陽

集芝水集

嘉興何志參  
嘉禾徵獻錄

毛晟正統間以貢生選舉知濮州委築東昌府城掘土得藏金卽爲築城之費不用公帑有餘則歸爲公用事聞上嘉之曰天下有如此清廉者乎擢東昌守未之任卒特恩予祭葬

新勝  
瑣志

沈振龍字翼乾萬歷癸丑進士授泉州推官歷守贛州適閩寇流患虔撫議焚郭外民居閉城守振龍不可部里甲申斥堠寇聞有備不敢至時避難者雲集軍士輒縛上幕府指爲賊振龍按驗開釋以此忤上官意劾歸家居睦族濟貧倡修府學值歲饑募粟賑救死掩骸不遺餘力鄉人德

之沒祀鄉賢祠

吳府志參  
秀水任志

吳邦俊秀水人父槐母病革焚香籲天割右股肉爲羹以進母延數日而卒邦俊萬厯乙酉舉人知翁源縣清詭寄革濫派所編賦役視前省十之三脩邑誌多所發明凡有規畫皆裨風化遷知羅

定州

嘉禾徵  
獻錄

新勝鎮志

卷十一 官績

一

邵德昭字明江歲貢生任潮陽令巡海禦寇邊境獲安天啟初告歸士民勒碑紀績祀名宦

仲聞韶字聖孚天啟辛酉舉人初任建德縣教諭遷知六合縣事歲旱力請上官移粟賑濟又捐俸

修城圭黍不擾於民感之內擢御史致仕卒於家

以上吳  
府志

沈耀辰字君房振龍子天啟丁卯副貢知三水縣首除胃衿趙承勳等四境肅然催科立自限法革耗除弊不半載歲額全完凡供應私稅陋習悉罷去海寇掠西南薄城下拒走之又設法擒獲劇賊郭嘉正等賊等不敢犯擢廣州知府休官後道路梗塞不能行子瞻日冒險赴粵奉親歸人稱

其孝

吳府志參  
秀水任志

張萬壽字來範少年卓犖負奇氣作文洞抉奧旨爲宣城令湯賓尹所稱三中副榜選涑州知州捐俸爲民償逋糧不足則廢家產補之又設法賑濟全活無算暇卽集諸生講課文藝不倦擢甯州未赴遇變卒以次子天植貴贈少司馬入鄉賢祠

吳府  
志

清

張天植字次先號蘧林萬壽子兄天柱貢生著讀史綱要進善寶書天植順治己丑進士授編修是

科一甲第一人黃岡劉子壯第二人鍾陵熊伯龍第三人卽天植也文章聲價頡頑兩鉅公出爲河南學政歷大理卿兵部右侍郎天植宅心溫厚居家值歲歉倡捐以賑濟爲法司核議庶獄必求可生之路全活多人視學力挽頹風釐積弊

吳府志參  
伊府志

馮事硯字遠操喜讀史鑑古書嫻琴棋能書畫初爲府椽吏以文藝受知郡守袁公後任松江府庫捕檢校一攝海防篆兩署華亭事俱有政績在任十有一載丁母憂回籍杜門謝客壽七十六而

終

馮浩橫  
塘紀聞

張龍驤天植孫  
嗣姓沈字標年康熙丁巳舉人知聊城縣縣有丈量舊尺奸胥陰截短而誣民欺隱龍驤較舊尺正之歲饑民有鬻妻女者給資令還贖之

伊府志

沈廷文字原衡號晴川瞻日子雲泉鄉雁湖里人

楷案雁湖當作  
外河後遷郡城

康熙戊辰狀元天姿英敏師事兄

京文學有根抵官脩撰四壁蕭然親友在京困乏者必周之雖典質不少靳同年友某卒於邸經紀其喪以旅櫬南旋甲戌分校禮闈得十三人皆知名士一時聲譽藉甚以省親給假依依不舍因嚴命再補原職歿時僅四十七歲未展其用所著見著述門

吳府志

新陞鎮志

卷十一 官績

三

蔣鶴鳴字聲御南橫港人出陸清獻之門康熙癸酉舉人知舒城縣舒自明以來水利弗講故道淤塞田多旱乾鶴鳴相度原委部署經費方有成規適歲歉遂下令大興工使貧者受值以執役不三月濬河七十餘里人不勞而事速濟調江都救災恤貧慈惠一如舒鑄學宮樂器祭器件繫其勛兩著之藉越歲以勞卒

浙江通志參  
江都縣志

張起文字卓人號緘齋少穎異年十三入泮十五食餼長益攻苦文名日著每試不出三人下康熙乙酉以五經舉孝廉補中書出知江西宜春縣以清慎稱歸橐蕭然歿後遺稿散佚

新溪詩鈔小  
序參郊居詩

話

陳于上字霽園少溺苦於學夏畏蚊身披重葛足置瓦缶中讀不輟舉乾隆戊辰進士宰江西新昌縣邑多溺女陋習于上倡建保嬰堂刊示條約俗以丕變巨窩許某久漏網于上訪得之盡法懲治兩與分校所取皆知名士攝四川涪州牧離二十里險灘名鬼龍關于上爲開鑿縴路卽以鑿得之石脩鼓兒城匝月工竣人稱爲陳公路終長壽知縣著有眠遲集揖青堂文稿

新陞  
瑣志

沈光曾字士行廷文嫡弟以幕友保舉知長洲縣鞠獄曲盡人情吳人號沈青天調山陽縣擢高郵

州於河工漕務利害得失廣稽曲詢後以酌添三壩一議爲河使者所劾改發福建頃之河防大決臺臣以光曾先見露章直之有詔詰責使者而光曾已以足疾告家貧如洗所著有安瀾文獻夢游錄內分治獄條議啟牘書問雜著閒吟凡六種

伊府志

鄭熙字敬安號緝亭青鎮人遷居秀水之新塍鎮早歲遊庠家貧課蒙自給性好吟咏乾隆壬午鄉舉後客遊齊魯多紀游之作尋以大挑官直隸柏鄉甯晉順義等縣皆有政聲順義向逢縣試必廉得富人子弟置首列藉索重贄爲學使供張費以府縣試首列之卷爲學使所必錄也公旣蒞任胥吏援例以請公大怒曰此國家求賢之始當憑文取士且寒士苦況我備嘗之夫豈可貪賄賂屈眞才乎我子孫尙欲讀書焉肯造此罪孽胥吏禁不敢聲復有素所信服之人以他說進亦不爲動是科關防加嚴所取士多顯達者後公歸老新塍顏其堂曰清貽云欲以清白貽子孫也公之孫曾元輩以府縣試首列入泮者代不乏人亦足見天道報施之巧矣

桐鄉嚴志

吳春澐初名蔣源字朗陵先世杭人後遷鎮少嗜學早通經史讀書廣陵僧舍秦礪泉學士素閱所著詩文詫爲異才以名孝廉參贊幕府大僚倚如左右手宰寶應縣聽斷如神一時奸暴號五虎

新塍鎮志

卷十一 宦績

四

十三鷹或爲歛迹寶應地窪下春澐疏通溝洫脩築插洞農田漕運均賴焉卒於任著作多散佚

新塍瑣志

高如松字秀峰精騎射年二十捷武闈官福建千總林逆據臺灣奉委入軍需局辦火繩鉛子營帳皆有法蔡逆擾洋面如松以游擊駐將軍澳防禦與賊接仗礮子從耳邊過不爲動以功洊擢至協戎耳病乞休歸里居常布衣非祭祀賓客勿易服也食不撤蔬腐曰此有眞味間集同志杯酒分韻往往興劇揮毫立成

新塍瑣志參許詩鈔小序

沈昭興字硯怡廷文姪曾孫以諸生游福康安戎幕軍功銓發四川時讞局有爭墓疑獄相持百數十年昭興謂蜀自獻忠擾後靡有子遺嗣後皆客戶奚爭焉片言折之兩造詞窮獄遂息以才洊擢屢躋屢起仕至瀘州知州

許府志

告歸卜宅用里坊性曠達承平富庶宦橐頗充不下二十年揮

霍立盡

嘉興趙志

咸豐壬子金陵告警禾中耆老以協防疲缺爲憂昭興慰之曰兵主乎氣賊氣雖張

劫運主之吾西戎閱歷久矣氣衰賊立潰也果符所言精書法晚年猶能行楷壽至九秩

許府志

鄭文同字書田光緒乙亥恩科亞魁官蘭溪縣教諭在蘭期月卽釐定課士新章月進諸生之俊者

而獎之不及者策之或不率教者則切責之然後彙籍其課程之勤惰高下於歲科二試上之於  
學使者故土亦爭其奮勵又爲蘭之人興蠶利具牒上請大府可其議乃會同先後各縣令購桑  
秧無萬數並所著蠶桑輯要一書散給民間不十年成效大著

鄭氏數  
典錄

人物 忠烈

明

楊任字子重 嘉禾徵獻錄作重之 洪武間由人材擢知袁州黃子澄一見以國士許之靖難兵起引疾歸子澄

出徵兵往約蘇守姚善航海襲京師善不可子澄乃至任家與謀大事事泄任與子澄俱被執至

京磔於市子禮亦坐死 分省人物考參吳府志 任死時妾沈氏有娠知縣徐本潛縱之依兄沈廣閱月而生

名曰宏子孫繁衍五世孫淵有幸存圖藏於家 嘉禾徵獻錄

邵璜字魯重崇禎壬午舉人知雲南大姚縣值寇亂闔門殉難著有尚書說統詩文無存者 新溪詩鈔小序

清

馮寶三字子仙鎮南馮家浜人世業儒其祖名岱字峙東文庠生精拳勇子孫均得其傳寶三材技

中人道光己未武闈試官以其應對趨走有儒士風遂領鷹揚髮逆陷禾城時張總統玉良駐軍

三塔灣寶三率鄉勇數十人叩營効力張翫寇不力攻七月二十四日師潰寶三獨力戰逼於水

為賊所及泐而得免乃糾鄉里勇敢者柵浜而守賊每至殲焉有鎗匪嚴墓沈三等聚眾攻之焚

新塍鎮志

卷十一 忠烈

六

其廬舍寶三偕徒往石門守將吳再陞與石邑武生某共舉團練賊以偏師攻石門寶三迭次扼

擊於羔羊堰天花蕩等處殺賊無算賊以此不得逕趨石門辛酉二月吳再陞師殲而奔城遂陷

寶三潛歸又為偽鄉官誘至郡城縛送偽聽王賊愛其材武釋之許以金帛官爵寶三歸而殺賊

如故誘所誘者戮之壬戌六月微服過徒門為守卡賊所覺執而殺之年止二十餘時論惜之 新塍志

瑣

殉難 附

王祥林徒門塘北王家埭人誠謹力家田差安飽無子以贅壻為嗣庚申十一月五日賊至鄉祥林

年八十八方臥病賊拽之門外妻沈氏年七十二辱罵被戕擄其家殆罄并舉火焚之祥林頃刻

氣塞死

錢裕庭瑞豐橋人為鄉學究兼務農庚申七月張總統玉良兵潰賊至鄉錢令家屬逃匿身自升樹

覘賊蹤跡賊突至樹下以火鎗擊下戕之數刃血流四日而死

周貴榮鳳儀橋人年三十一向設小肆賣寒具事母孝與人無芥蒂初妻郡人女母悍甚未幾妻死

周遂鰥居甲子正月爲湖郡賊所殺

朱坤載字又雲少業儒旣長以貿布起家晚年復落訓蒙餬口甲子正月聞賊至避於鄉諸子踉蹌而行坤載與妻獨不行旣爲賊驅之去拷掠索銀坤載期與妻永訣給賊曰某所有銀若可從我取乎賊諾至則謂其妻曰汝其速死我從此逝矣賊怒其誑復驅以去遂投河死妻亦被擄戕去一耳適季子文照跟尋至見母被戕挺身長跪哀號求貸賊乃釋其母而攜文照去翌日長子聞父死難夜訪之得尸於水又使人求其母乃挈之出文照後亦脫歸

沈景星世居紅墩務耕讀甲子春賊竄新塍道經紅墩景星率妻孥走南鄉越日偕弟魁秀黑夜潛行探賊蹤跡比至家爲賊所執不屈被戕魁秀亦遇害

蔡之瀚字碧溪邑庠生性機敏博聞強記善文賦工射覆甲子湖郡賊至鎮適久患瘧轉輾牀蓐不能行賊索銀酷掠不爲動久之以絕食死姪丹桂字馨山幼習賈嗜好與碧溪相若賊至被擄虐索不得戕之

吳上林字錦塘居豐樂橋油車生業逆賊至鎮吳有痰病不能行率妻女匿於蔡氏繹思堂賊搜得

之酷刑索銀吳罄所有畀之又爲他賊所逼妻女脫釵珥跪求得免賊有楊姓者憫其財盡爲護送出鎮至鄉又遇賊妻女各自走吳不能堪填溝壑以死月餘其婿顧小山求得尸殮以棺面如生

沈文銓字片玉桐庠生居青鎮授徒新塍妻亡遂贅南柵張氏因家焉賊至鎮沈徒步竄南鄉流離

瑣尾甲子二月初訛傳賊破陡門營官軍遁走鄉人皆逃匿時嚴寒苦雨沈不能行遂投河死

以上

新塍  
瑣志

人物 義行

明

蔡國縉字良甫本姓徐曾祖慕溪贅於蔡氏蔡與徐故皆藉德清遂從贅姓為蔡國縉為人仁厚家素封世藏古玉珩一價不貲里有賽會事借以為神座供事畢將舁還偶失手珩墮地破司事者咸謀償其值國縉慨然曰成毀數也何償為年四十無子妻王氏素賢淑勸置笱室至再三國縉却之曰似續係於命我當無子納妾何益且爾年尚老何遽不能生育後年五十卒舉丈夫子入謂厚德之報國縉以護送糧艘功賜六品職銜

新勝 瑣志

周公佚其名南北二亭子橋皆其所建

光緒新勝志

後人思其德建周公亭於北亭子橋左

新溪雜詠註

清

許時雍字皞如服賈而喜吟咏為人尚氣節重信義周急扶困有抱不平者為之白之雖重費貲不計也凡事之有益里黨者欲其首事恆不辭故人咸推重

郊居詩話

盛子靜原名肅以字行諸生制行不苟嘗集友人會課詩文一日力不能舉火羣友畢集有徒好博

新勝鎮志

卷十一 義行

八

聞之持錢以餽先生以其得自博場却之後買地營葬啟土見有枯骨亟掩之而營其葬於旁每

上塚必設一陌錢祭之戒子孫毋忘

斐亭詩話

張瀾字紫生國子生好施與康熙九年水灾米騰貴倡行平糶之舉全活無算施茶四十年至濟河

道築橋路皆盡力為之祀鄉賢祠

浙江通志

翁鶴音字雲皋輕財好施予康熙己亥歲大饑時家中落僅大張圩瘠田十餘畝脫簪珥購糠粃以賑之戚有李姓者逋糧幾庾死公鬻屋數椽得五十金出之獄中排難解紛至老不倦平居評書

品畫逍遙書史門有嘉賓家無長物信實錄也

翁氏家乘

江純字天錫監生住新勝鎮好行善事曾獨力建二橋曰汲水曰南橋冬令製棉衣施捨貧民歲以

為常

于府志

戴工佚其名為南鄉傭工積數十年工資倡建一橋鄉人德之名曰戴工

光緒新勝志

沈德璋字樹銘元龍孫國子監生父繼賢生七子德璋最幼繼賢歿奉生母李氏克盡孝道晨膳夕餐必躬必親未嘗委之同母兄嫂年將及艾依然孺慕性嚴毅訓子女以義方閨闈之內闐然無

聲而輕財好施篤於行誼尤人所難道光三年大水妻兄王居法五庄正宿圩地尤低窪田廬淹沒無遺家口嗷嗷德璋時家中落身多積逋猶復急人之急饋薪米數月王氏賴以全

新勝志

許汝賢監生善治生先嗇後豐好施與棉衣棺木歷久不倦道光四年捐賑五百兩奉部議叙

于府志參

新勝志

王承勳監生凡脩建橋廟必勑首募捐無難色

于府志

子維垣孫夢祥俱登賢書

嚴文選字青掄以縣學生補國子監生志期用世累上省試不得志性喜施捨病藥死棺夏帳冬襖

樂善不倦又精於方書無論貧富延請者必赴來故人咸德之子瓚中黃州司馬

郊居詩話

鄭元鈞字右坡道光乙未舉於鄉以知縣就揀親老不任己亥夏大水嘉屬尤甚與城鎮諸紳商籌賑款散給灾黎自秋徂冬必躬親其事民無饑色咸豐六年鎮之西北鄉土豪歸姓倡議抗糧嘯聚無賴數百人肆行索擾上台調官軍進勦公調停密緝獲渠魁散羽黨脅從者代爲之乞免良莠皆服安堵如恒同治甲子春大軍恢復城鎮出理善後事宜爲一邑倡有議以稅畝爲清賦經費公以瘡夷甫復民困宜紓力止之策令各圩舉董按編自備資斧惠而不費功以速成才識有

新勝鎮志

卷十一 義行

九

加人一等者復詮授錢塘教諭課士以敦尚實行振式浮靡爲法

鄭氏宗譜

鄭寶錯字師石桐鄉附貢生幕游閩南僮而有至性善全人骨肉館漳平時聞鄰媪孕及期貧甚將俟其娩而棄之因給曰幸生男願乞爲吾子卽女吾亦女之及產則贈以錢帛又僞爲寄養然彌月後乃謝媪絕之媪已不忍言棄兒漳浦有委員下鄉遣行裝責令輿夫償輿夫計無出鬻子以應婦痛子得心疾因代輿夫贖子歸輿婦之疾霍然姊夫劉某死於閩歸其櫬合其父母妻諸骸而葬之劉無後且修其廢祀其行義有經有權足爲好施者法以嗣子文同官贈蘭谿縣教諭

鄭氏數典錄

高墉字晴皋南鄉金圩人議叙翰林待詔少孤無弟昆勤儉起家富而好義庚申之亂貧民食盡墉自浦東運米貸其鄉藉以存者八百餘戶設質庫取息獨輕又捐辦本邑積穀銀歲助嬰堂錢米創築梅溪隄埂重建陡門大橋其他賑荒平糶急有難恤無告諸善舉不可更僕數尤敬禮師長業師某旣歿以喪葬自任且歲謁其墓無或廢師有地爲人所侵出已資購而歸之其慷慨類此然自奉儉約如寒素光緒癸未春南鄉有土客之鬩乃徙家郡中以邱墓故戀戀不忍去常獨居

於鄉年七十二子寶辛光緒癸巳副貢以貲爲內閣中書舍人孫如澧癸卯舉人

新纂

新 滕 鎮 志

卷 十 二 義 行

十